



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 23. Burdini Antipapæ exitus.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

§. XXIII.

*Burdini Antipapæ exitus.*Sæcul. XII.
A. C. 1121.

Inter hæc Callistus Papa, Festis Pascha-
libus Romæ celebratis, & Joanne Cre-
mensi, Cardinali S. Chryfogoni, cum va-
lido exercitu ad obsidendum Sutrium
præmissis, strenue secutus est. Sutrini, cum
quaterentur eorum mœnia, Burdinum
Antipapam captum Callisti militibus tra-
dunt, qui conviciis proscissum, obversa
facie camelo imponunt, cujus caudam
pro fræno ejus manibus inserunt, pelle
vervecis cruenta humeros, loco purpu-
ræ Papalis, tegunt. Tum eximiæ altitu-
dinis equo insidere jussum in Civitatem
Romanam deducunt, terribili exemplo
futurum omnibus, qui Sacram Sedem in-
vadere auderent. Quin etiam populus
Burdinum ad satietatem irrisum interfe-
cisset, nisi miserum e furentium manibus
Callistus Papa eripuisset, quem deinde
Monasterio Cavensi ad agendam pœni-
tentiam inclusit. Inde eum anno sequen-
te Janulam misit, indeque iterum evoca-
tum Honorius Callisti Successor in Arcem
Fumonis prope Alatrium transferri jussit,
ubi tandem ex hac vita decessit. Hunc
tristem exitum sortitus est Mauricius Bur-
dinus, postquam Papæ nomen annis tribus
gessisset, cujus viri merita non erant nul-
la. Burdino capto, Callistus Papa ad
Episco-

*Pandul. &
al. M. S. ap.
Baro. 1121.**Baluz. vit.
Burd.*

Sæcul. XII. Episcopos, cunctosque Galliarum Fideles
A.C. 1121. epistolam dederat, in hunc modum:

to. 10. Conc.
p. 894. *Nuper, Festis Paschalibus celebratis, cum
diutius clamores peregrinorum & paupe-
rum ferre non possemus, cum Ecclesie Fi-
delibus Roma digressi tandiu Sutrinam
urbem obsedimus, donec omnipotentia Di-
vina Burdinum in nostram potestatem tra-
didit. (*)* Quæ epistola vigesima septi-
ma Aprilis data est, Pascha autem in diem
decimam inciderat. Ne vero tantæ rei
memoria periret, Callistus Papa in qua-
dam aula Palatii Lateranensis pingi ima-
ginem iussit, in qua Burdinus sub pedi-
bus ejus conculcatus conspiciebatur.

Pandulf. Ceterum Callistus Papa Romæ pa-
cem, & tranquillitatem Reipublicæ re-
stituit. Turres Cencii Frangipanis, alio-
rumque minorum gentium Tyrannorum
demolitus est, & quorundam Comitum,
Bona Ecclesiæ diripientium, insolentiam
Malmesb. V. compescuit. Via Romam ducens aper-
Reg. p. 169. ta erat, & Peregrinis illuc pervenienti-
bus nemo molestus existere audebat.
Oblationes ad limina Apostolorum dela-
tas

(*) Rerum Romanarum & Ecclesiasticarum
studiosus Lector facile notabit, validum exer-
citus mittere, & urbem obsidere, non Episco-
pi, sed Romani Pontificis, jam illa ætate utun-
que Principatum Sæcularem consecuti, opus
fuisse.

tas superioribus annis Romanorum potentissimi auferebant, nec ideo Pontificibus Callisti Antecessoribus mutire licebat; at ipse dona Fidelium in suam reduxit potestatem, quas pro necessitate Ecclesiæ impendit. Nulla vero avaritiæ suspicio in Callistum cadebat, Anglis enim suadere auditus est; irent potius, piæ peregrinationis causa, ad S. Jacobum quam Romam, ob longitudinem itineris, eandemque Indulgentiam illis concedebat, qui bis Compotellam, ac qui Romam semel, commearent.

Sæcul. XII.
A.C. 1121.

§. XXIV.

Ecclesiæ Senonensis Libertas.

Rex Franciæ accepta a Papa epistola, ex qua captum fuisse Burdinum edocet, gratulabundus dedit responsoriam in qua dicit: *Pater dulcissime, cum Sententiam, in Archiepiscopum Senonensem latam, relaxasti, animum nostrum ex parte mitigasti, sed quoniam ad tempus est relaxata, suspensum vehementer ac dubium reddidisti. Videtur enim aliqua adhuc vincendi spes superesse Archiepiscopo Lugdunensi. Ut autem verum fatear, potius regni nostri totius incendium, ac capitis periculum, quam subjectionis hujus opprobrium sustinere malle.* Tum obsequia a Franciæ Regibus Ecclesiæ Romanæ præstita commemorat, seque ipsum, uti

to. 10. Cont.
p. 875.

Hist. Eccles. Tom. XVI. I i hō-